

ხელშეკრულება

სახელმწიფო შესყიდვის შესახებ N44

(ავტოტექნიკური მომსახურების და საქონლის მიწოდების შესახებ)
ქ. ბათუმი

21 აგვისტო 2018 წ.

ერთი მხრივ შპს „სტადიონი“ (ს/კ 445409415) წარმოდგენილი მისი დირექტორის ზურაბ ჭურკვეიძის სახით (შემდგომში „შემსყიდველი“) და მეორეს მხრივ სს „ლიონ ავტო“ (ს/კ 404488979) წარმოდგენილი მისი გენერალური დირექტორის, გიორგი ფალიანის სახით, (შემდგომში „მიწოდებელი“), „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს1“ ქვეპუნქტისა და მსუბუქი ავტომანქანის სახელმწიფო შესყიდვის თაობაზე ჩატარებული ელექტრონული ტენდერის (SPA180005919) ფარგლებში, მიწოდებლის მიერ ავტომობილის ფლობის ღირებულების კომპონენტზე (100 ათას კილომეტრზე ავტომანქანის ექსპლუატაციით გამოწვეული საგარანტიო მომსახურების ღირებულება) წარმოდგენილი სატენდერო წინადადების საფუძველზე, ვდებთ წინამდებარე გამარტივებული შესყიდვის ხელშეკრულებას ავტომანქანის ტექნიკური მომსახურების შესახებ (შემდგომ „ხელშეკრულება“)

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს შემსყიდველის დავალებით, შეთანხმებული ანაზღაურების სანაცვლოდ, მიმწოდებლის მიერ შემდეგი სახის მომსახურების გაწევა: მხარეთა შორის შეთანხმებული პერიოდულობით ან/და შემსყიდველის საჭიროებისამებრ, შემსყიდველის კუთვნილი ავტოსატრანსპორტო საშუალებისთვის, ავტოტექნიკური მომსახურების გაწევა, საჭიროებისამებრ ავტოსათადარიგო ნაწილებითა და სხვა მასალით უზრუნველყოფის ჩათვლით აქსესუარებისა და დეტალების მიწოდება, ავტოსატრანსპორტო საშუალებისთვის (შემდგომში „საქონელი“).
- 1.2. გასაწევი მომსახურებისა და ავტონაწილების ჩამონათვალი და ფასი მოცემულია დანართ #1-ში,
- 1.3. მომსახურების გაწევა შესაძლებელია:
- ქ.თბილისში - ჯორჯ-ბალანჩინის 34 (პეჟოს ცენტრი)
 - ქ.ბათუმში - ლერმონტოვის 107 -ის მიმდებარედ
- 1.4. CPV კოდი: 50100000

2. ხელშეკრულების ღირებულება

- 2.1. ხელშეკრულების საერთო ღირებულება შეადგენს 3250 (სამი ათას ორასორმოცდაათი) ლარს.
- 2.2. გასაწევი მომსახურებისა და ავტონაწილების ცალკეული ჩამონათვალი და ერთეულის ფასი მოცემულია დანართ #1-ში, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. მხარეთა უფლება-მოვალეობები

- 3.1. მომსახურება განახორციელოს სრულად, ჯეროვნად, შეთანხმებული ხარისხისა და აღიარებული სტანდარტის დაცვით მხარეთა შორის შეთანხმებულ ვადებში.
- 3.2. მომსახურების გაწევის პროცესში გაითვალისწინოს შემსყიდველის შენიშვნები გონივრულობისა და შემსყიდველი ვალდებულია
- 3.3. მხარეთა შორის შეთანხმებულ ვადებში მიმწოდებლისაგან მიიღოს გაწეული ხარისხის მომსახურება ან/და მიწოდებული საქონელი მათთან დაკავშირებულ ყველა დოკუმენტთან ერთად.
- 3.4. იმ შემთხვევაში თუ შემსყიდველს მომსახურების მიღება სურს ქ.ბათუმში ან ქ.ქუთაისში ამის შესახებ წინასწარ 2 დღით ადრე უნდა აცნობოს მიმწოდებლის წარმომადგენლებს
- შოთა ელიზბარაშვილს - shota.elizbarashvili@peugeotauto.ge 577 04 12 44
 - ლაშა შიხაშვილს - lasha.shikhashvili@peugeotauto.ge 577 82 88 22

3.5. გადაიხადოს გაწეული მომსახურების ან/და მიწოდებული საქონლის საზღაური მხარეთა შორის შეთანხმებული წესითა და პირობებით.

3.6. მომსახურების მიღებისას განახორციელოს ავტომანქანის შემოწმება და კონტროლი პირადად ან გაწეული მომსახურების მიღება-ჩაბარებაზე უფლებამოსილი პირის მეშვეობით.

4. ანგარიშსწორების წესი

4.1. მხარები ანგარიშსწორებას ახორციელებენ უნაღდო ანგარიშსწორების ფორმით ეროვნულ ვალუტაში, წინამდებარე ხელშეკრულებით გათვალისწინებულ რეკვიზიტებზე.

4.2. შემსყიდველი ანგარიშსწორებას ახორციელებს პერიოდულად, მხარეებს შორის გაფორმებული მიღება-ჩაბარების აქტის შედგენიდან და საგადასახადო ანგარიშფაქტურის წარმოდგენიდან წარმოდგენიდან 10 სამუშაო დღის განმავლობაში.

5. მიღება-ჩაბარების წესი

5.1. ხელშეკრულებით გათვალისწინებული მომსახურების/საქონლის მიწოდება დასტურდება შემსყიდველისა და მიმწოდებლის მიერ ერთობლივად შედგენილი მიღება-ჩაბარების აქტით;

5.2. შემსყიდველის მხრიდან მიღება-ჩაბარების აქტზე უფლებამოსილ პირს წარმოადგენს შემსყიდველი ორგანიზაციის ხელმძღვანელის მიერ განსაზღვრული პირი.

6. მიწოდების ვადა

6.1. მომსახურების/საქონლის მიწოდების საერთო ვადად განისაზღვრება ხელშეკრულების გაფორმებიდან 2018 წლის 31 დეკემბრის ჩათვლით პერიოდი.

6.2. მიმწოდებელი ვალდებულია დანართი 1 -ით განსაზღვრული ცალკეული მომსახურების/საქონლის მიწოდება განახორციელოს შემსყიდველის მოთხოვნიდან არაუგვიანეს 3 სამი) სამუშაო დღის ვადაში.

7. ხელშეკრულებით ნაკისრი ვალდებულებების შესრულების კონტროლი

7.1. ხელშეკრულების შესრულების კონტროლს განახორციელებს შემსყიდველი ორგანიზაციის ხელმძღვანელის მიერ განსაზღვრული პირი.

7.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

7.3. გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. მხარეთა პასუხისმგებლობა

8.1. მიმწოდებელს 6.2. პუნქტით განსაზღვრული ვალდებულების შეუსრულებლობის შემთხვევაში დაეკისრება პირგასამტებლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების არაუმეტეს 0.02%-ის ოდენობით.

8.2. ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში მიმწოდებელს დაეკისრება პირგასამტებლო ხელშეკრულების ღირებულების 10%-ის ოდენობით.

8.3. პირგასამტებლოს გადახდა არ ათავისუფლებს მიმიწოდებელს ხელშეკრულებით განსაზღვრული ძირითადი ვალდებულებების შესრულებისაგან.

8.4. შემსყიდველს 4.2. პუნქტით განსაზღვრული ვალდებულების შეუსრულებლობის შემთხვევაში დაეკისრება პირგასამტებლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების არაუმეტეს 0.02%-ის ოდენობით.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

9.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა სახელმწიფო შესყიდვების მარეგულირებელი კანონმდებლობით გათვალისწინებული შემთხვევებისა.

9.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების

პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10. ხელშეკრულების შეწყვეტა

10.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის წერილობითი შეტყობინების შემდეგ:

ა) თუ შემსყიდველი დარწმუნდება, რომ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით ნაკისრი ვალდებულებები;

ბ) თუ ხელშეკრულების 8.2. პუნქტის საფუძველზე დაკისრებული პირგასამტებლოს ჯამური თანხა გადააჭარბებს ხელშეკრულების საერთო ღირებულების 0,4%-ს;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში;

10.2. შემსყიდველი ვალდებულია არანაკლებ 7 დღით ადრე წერილობით აცნობოს მიმწოდებელს 10.1. პუნქტით გათვალისწინებული გადაწყვეტილების მიღების განზრახვის თაობაზე.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის კანონმდებლობით დადგნილი წესითა და პირობებით.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი მალა

11.1. მხარეები თავისუფლდებიან ხელშეკრულებით განსაზღვრული ვალდებულებების შემთხვევაში, მეორე მხარე უფლებამოსილია ცალმხრივად შეწყვეტოს ხელშეკრულება, მოქმედი კანონმდებლობით დადგნილი წესითა და პირობებით.

11.2. ამ პუნქტის მიზნებისათვის „დაუძლეველი მალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

11.3. თუ მხარე დაუძლეველი მალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს ორი სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის შესახებ.

11.4. მხარეთა ვალდებულებები და პასუხისმგებლობა განახლდება დაუძლეველი მალის მოქმედების დასრულებისთანავე.

11.5. თუ დაუძლეველი მალის გარემოები გაგრძელდა 90 (ოთხმოცდაათი) დღეზე მეტხანს, ნებისმიერი მხარე უფლებამოსილია უარი თქვას ხელშეკრულებით ნაკისრი ვალდებულების შესრულებაზე და არცერთ მხარეს არ ექნება მეორე მხარისგან ზიანის ანაზღაურების მოთხოვნის უფლება.

12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე

მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.



13.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

13.7. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

14. ხელშეკრულების მოქმედების ვარა

14.1. ხელშეკრულება ძალაში შედის ხელშეკრულების თავში მითითებული თარიღიდან და მოქმიდიბა;
2019 წლის 31 იანვრის ჩათვლით.

15. მხარეთა რეკვიზიტები

<p>შემსრულებელი</p> <p>სს „ლიონ ავტო“</p> <p>ბანკი: საქართველოს ბანკი</p> <p>ანგ. ნომ: GE62BG0000000916135400</p> <p>გენერალური დირექტორი: გიორგი ფალიანი</p> <p>ხელმოწერა: *</p> 	<p>დამკვეთი</p> <p>შპს „სტადიონი“</p> <p>ს/კ 445409415</p> <p>დირექტორი: ზურაბ ჭურკვეიძე</p> <p>ხელმოწერა:</p> 
--	--

ପ୍ରକାଶନ କମିଶନର ଦେଖାଇଲୁ ଏହାର ଅଧିକାରୀଙ୍କ ପରିଚାଳନା କରିବାକୁ ଆପଣଙ୍କ ପରିଚାଳନା କରିବାକୁ ଆପଣଙ୍କ ପରିଚାଳନା କରିବାକୁ ଆପଣଙ୍କ ପରିଚାଳନା କରିବାକୁ



[Signature]